



UNIVERSITÄTS-
BIBLIOTHEK
PADERBORN

**Demonstrationes
Chronologico-Historico-Juridico-Canonicæ**

Callenberg, Caspar

Coloniae, 1734

§. Primus. Reddit Responſionem primam generalem & indirectam ad
quaternas præmiſſas Objectiunculas.

[urn:nbn:de:hbz:466:1-63192](https://nbn-resolving.org/urn:nbn:de:hbz:466:1-63192)

Adhuc licet præmissa, qua in multis à Jure communi discrepare noscuntur circa Electiones in quibuslibet s. Mulierum Monasteriis faciendis, ex certis causis rationabilibus specialiter s. duxerimus statuenda; intentionis tamen nostra nequaquam exitit, ut per illa quoad Electiones in aliis Virorum Monasteriis, vel quibusvis Ecclesiis celebrandas aliquid immutetur; sed Jura præcedentia in suâ omnino maneant firmitate. Tertio quia C. Indemnitatibus correctorium sit Capitis Cùm in cunctis s. Inferiora de Elect. vi cuius suffecerit Abbatissam attigisse vigesimum quintum annum. Quarto denique, quia Wamesius de Jur. Pontific. Consil. 20. Electionem Decani Nivellensis à dispositione Capitis Indemnitatibus titulo Capituli Mixti exceptam velit.

Ad levissimas has Objectiunculas exsufflandas & plurimæ & solidissimæ in promptu sunt Responsiones, ita ut hic merito dicere possim: Responsionum
inopem me copia fecit.

Eas equidem nunc jam, ut distinctius procedam, per diversos proponam Paragraphos.

S. PRIMUS.

Reddit Responsionem primam generalem & indirectam ad quaternas præmissas Objectiunculas.

Nu. 104.
Quatuor
Objectiun-
cula respon-
sione indi-
rectâ re-
spondentur.

SI tenent Argumenta è loco Mixti deprompta in hac materia; & si Mixtæ Canonissarum Congregationes exleges sint respectu Capitis Indemnitatibus; Sequitur primò, totam Antiquitatem cum omnibus Authoribus antiquis, mediis, & modernis aberrasse turpiter, quòd Collegia Canonissarum mixta (ut vidimus totâ Demonstratione quintâ) Capiti Indemnitatibus alligaverint. Errasti ergo Lucerna Juris & princeps Libri sexti Interpres Joannes Andreæ, qui toties mixta Canonissarum Collegia ad Caput Indemnitatibus revocasti! Errasti magne Geminiane! Errasti docte Zabarella! Errastis Germani omnes, Neusseri, Wagnereckii, Wexii, Leurenii, Lacroii, Speidelii, Laymanni, Pirrhingii, Wiestneri, Corvini, Pichleri, Schmalzgrüberi, Schmierii! Errastis Belgæ, Lotharingi, Galli, Itali, Hispani, & quaquâ demum de Gente Authores, Zypæi, Vanespeni, Tholosani, Thomafini, Corradi, Alphonfi, Lopezii, Viviani, Hallieri, Petrei, Lambertini, Tamburini, Pignatelli, Gonzalezii, Lotterii, Marchantii, Tonduti, Bierlingi &c. quia (ut liquet à Numero 35.) Collegia Canonissarum mixta Capiti Indemnitatibus obligastis! E diverso solus viam Veritatis tenuit Wamesius; dum ut naufragæ Decani Nivellensis Electioni succurreret, secundam ei post naufragium tabulam porrexit, Exceptionem Mixti,

Nu. 105.
Si tenet
Argumentum de
Mixto,
sequitur
errasse om-
nes A.A.

recen-

recentissimè in hunc casum excogitatam. Nempe hic rem acu tetigit! hic veritatem in puteo latentem extraxit!

Hic Vir, hic est, tibi quem laudari sapius audis! (a)

Unus homo nobis fingendo restituit rem!

Sequitur secundò, quod valde extra *Iustitiæ Orbitam* recesserit *Rota Romana*; N. 106. quando (ut fusè videre est à num. 62.) Electionem factam in Collegio Seculari mixto Munsterbilsensi cassam declaravit, idè præcisè, quod Electa *Elsia* non fuerit trigeneria juxta caput *Indemnitatibus*. *Sequitur errasse Rotam, si &c.*

Nempe *Wamesio* plus (si *Diis* placet) quàm *Rotæ* deferendum est. *Plato instar omnium!*

Sequitur 3tiò; quod somniârint binæ Nobilissimæ totius Germaniæ Universitates, quando unanimitate voto per Facultates suas, *Canonicam & Juridicam* responderunt: *Quod Canonissarum Secularium &c. cum Canonicis Sacularibus Capitulum constituentium Abbatissa*, debeant esse *triginta annorum*, quodque & ita moraliter certum sit, & evidens; ut nemo rectè contrarium docere, consulere, vel judicare possit. vide num. 47. sed quid duæ illæ ut ut doctissimæ Universitates ad unum *Wamesium*? præfulget *Medius Fidius Wamesius* Doctrinâ *N. 107. Sequitur errasse tres Inclitas Universitates, si &c.*

Velut inter ignes

Luna minores. (b)

Sequitur quartò; quod & ipsa *S. Concilii Congregatio* in dictâ *Munsterbilsensi* causâ *Rotam* in errorem impulerit: dum ipsa prior declaravit Electioni factæ à Collegio *Belisiensi*, mixto utique, obstare defectum ætatis *triginta annorum*; nam *Rota* se refert ad declarationem *Sacræ Congregationis*, dicens num. 2. *Juxta Resolutionem aliàs per Illustrissimos Dominos S. Concilii interpretes, in hac causa factam; quantum ad Electionem Elsiæ, NB. illa non potest sustineri, cum &c. constet illam non fuisse ætatis legitime 30. annorum, qua ex dispositione d. C. Indemnitatibus &c. est necessaria in Abbatissa. vide num. 62. pergit Rota suo num. 7. quod procedit etiam in Electione Abbatissæ, qua faciendâ est à Mulieribus simul cum Masculis, ut tradit Joan. Andr. in d. C. Indemnitatibus sub num. 3. P. Canonice & Geminianus in §. supradicta. num. 4. qui dicunt prædictum textum habere locum, etiam quando Canonici Seculares simul adsunt cum Mulieribus. Ut videas in causâ *Belisiensi* actum de Collegio mixto, ex *Canonicis & Canonicis Secularibus*, ut ibi expressè additur. An non & *Sacræ Congregationi* (quæ aliàs in suis Decisionibus vim legis habet. vid. num. 63.) unicum & singularem *Wamesium* anteferre oportebit?*

Sed ut ferales has sequelas eludant, audite, quid de novo *Adversarii* confingant. Fabulantur in suo *Restrict. Facti & Jur. in 3. propos. à n. 36. duplex Mixtorum Collegiorum genus* esse; unum in quibus *Canonici solum* *Canonicus* in

H 3

Divinis

(a) *Horatius.* (b) *Idem.*

Divinis subserviant; sed non efforment unum corpus, vel Capitulum cum illis; alterum in quibus Canonici cum Canonicabus unum conflent Capitulum, seu corpus. Primi generis Collegiis accensent *Collegium S. Waldetrudis Montense*; secundæ Classi adscribunt *Collegium Capitolinum Coloniae, Nivellense, Andloviense, Secanicum*. Primam speciem Capiti *Indemnitatibus* permittunt pro sua liberalitate: secundam mordicus capiti *Indemnitatibus* subtrahunt. Sed ô miserum! ô ineptum, & hæcenus in Germania inauditum figmentum! quod ut incidenter & per transennam num. 50. explori; ita hoc loci ex professo paulò fusiùs excutiam, diffingam, conyellam, comminuum.

N. 107.
Exagui-
tur inep-
tissima
quædam,
& hæc-
nus inau-
dita distin-
ctio.
N. 110.
Esse nequit
Collegium
ex Canoni-
cabus, &
Canonicis
mixtum;
nisi Cano-
nica, &
Canonici
illud con-
stituunt.

Et primò quidem dicite, amabo, Advocati Romani, quomodo Montense Collegium seu Capitulum, ex Canonicabus & Canonicis potest esse *mixtum*, nisi Montenses Canonica, & Canonici constituent, unum *Collegium mixtum*, unum *Capitulum mixtum*, unum *Corpus mixtum*? an non omne *mixtum* essentialiter componitur ex partibus suis? si ergo Collegium vel Capitulum Montense sit *mixtum* ex Canonicabus & Canonicis, indeclinabili consequentiâ sequitur, Montense Collegium, seu Capitulum, seu Corpus, componi ex Canonicabus, & Canonicis, tanquam partibus suis, & pariter sequitur, quod Montenses Canonica, & Canonici illud Collegium, illud Capitulum, illud Corpus *mixtum*, componant; cum impossibile sit aliquid ex partibus componi, & partes non componere. Hanc argumentandi vim si non penetratis; quæso ne hujusmodi materias tractetis;

Ne spissa risum moveant impune catervæ. (a)

Illorum scilicet catervæ, qui vel à primo limine Philosophiam salutârunt; nam hi naso suspendent adunco, Advocatum Romanum; qui ita desipiat, ut *mixtum* ponat Collegium, Capitulum, vel Corpus ex Canonicabus, & Canonicis; quin tamen concedat mixti illius partes Canonicas, vel Canonicos, totum illud *mixtum* componere; nempe

Et pueri Nasum Rhinocerotis habent (a)

Sed

Claudite nunc pueri rivos. Sat prata biberunt. (b)

De hujusmodi falsugine; ne & Germanus Advocatus videatur,

Italo perfusus aceto (c)

N. 111.
Monten-
se Collegii
constitui-
tur ex Ca-
nonicis &
Canonica-
bus, & im-
men spectat
ad C. In-
demnita-
tibus.

Secundò certum est, quod in Ecclesiâ Montensi Canonici cum Canonicabus (uti in cæteris omnibus Ecclesiis mixtis) componunt unum Collegium seu Capitulum; patet id apud Myræum *L. de Canonic. ex Rubrica capitis 26.* ibi: *S. Waldetrudis Collegium Montense Canonicorum & Canonissarum in Hannoniâ.* dicitur: *Collegium* in singulari, non *Collegia*. Ergo cum sit Collegium Canonicorum & Canonissarum, evidenter constituitur ex Canonicis & Canonissis, *vid. num. no-*

Tertio

a) *Martialis.* (b) *Virgilius.* (c) *Juvenalis.*

Tertio probatur evidenter ex ipsis Adversariis intentum nostrum ; nam illi in *Restrict. cit. num. 36.* disertè dicunt , quod *Montibus* , in Ecclesiâ S. Mariæ , in quâ sunt Canonissæ , *S. Bruno Archi-Episcopus Colonienſis* , & *Reformator Hannonia* , aliud Collegium Canoniorum stabiliverit & infra num. 38. expressè & rectè dicunt , quod *Ratio juris non permutat* , ut in una Ecclesiâ sint duo Collegia , utique totalia & perfecta. ibi : *Tum etiam ex ipsa ratione juris* , quæ non admittit in una Ecclesiâ DUO COLLEGIA nullâ consuetudine suffragante ad tradita per *Hosniensem in c. 1. n. 1. de foro competent. Abbat. ibid. num. 18. Lotter. de Re Beneficiar. L. 1. q. 15. num. 10. & seqq. Rotam decis. 140. num. 11. part. 1. Recent.*

Unde sequitur evidenter , quod cum testibus ipsismet Adversariis , Canoniorum Collegium sit in Ecclesiâ B. Mariæ Montensi , in qua & Collegium est Canonissarum ; & in eadem Ecclesiâ , ut concedunt Adversarii , DUO COLLEGIA esse non possint , sequitur , inquam , evidenter , quod Canonici & Canonissæ Montenses constituent UNUM formaliter Collegium , totale , adequatumque , nec officit , quod dicatur in Montensi Ecclesiâ stabilitum aliud Collegium Canoniorum ; nam ipsi Adversarii ne contra sua dicta cogantur in una Ecclesiâ admittere duo COLLEGIA , scilicet totalia , & perfecta ; debent irrefragabiliter concedere , quod ex Collegio partiali Canoniorum , & Collegio partiali Canonissarum constet unum Collegium totale ; sicut ex pluribus populis particularibus v. g. Romanis , Florentinis , Neapolitanis , & cæteris , fit unus populus Italicus.

Unde explosissima est Adversariorum Distinctio Collegiorum mixtorum , in quorum aliis Canonici constituent Collegium seu Capitulum , in aliis non constituent.

*Hic populus ridet , multumque torosa juvenus
Ingeminat tremulos naso crispante cacchinnos (a)*

Quartò fabulosa illa distinctio de Collegiis mixtis , à capite *Indemnitatibus* expressè excludit Collegium *Nivellense* mixtum *Andlovviense* mixtum *Secanicum* mixtum ; cum tamen hæc ipsa Collegia nominatim ab Authoribus passim capiti *Indemnitatibus* subdantur , *Nivellense* quidem à *Zypæo* , *Vanespeno* , *Covino* , quos citavi num. 79. *Secanicum* autem & *Andlovviense* à *Wexio* v. numero 89.

N. 112.
Idem dic de
Collegio
Nivellen-
si, Secani-
co, And-
lovviensi.

MIXTUM EST ITA COLLEGIUM ESSENDIENSE ut ex Canonicabus & Canonice fiat unum Capitulum , & tam Canonici , quàm Canonice eligant *Abbatissam* patet ex *Wexio* , quem vide numero 40. ubi ita de *Abbatissâ Essendiensi* loquitur : *Abbatissa illius loci liberè eligitur à Canonissis simul & Canonicis.* Et tamen hoc sic mixtum Collegium ab omnibus capiti *Indemnitatibus* subicitur.

N. 113.
Idem dic de
Collegio
Essen-
diensi.
vid.

(a) *Persius Satyrâ 3tiâ.*

vid. numerum 88. Ergo nullum est fabulosum illud Adversariorum fundamentum, quod illa mixta Collegia, in quibus Canonici cum Canonicabus constituunt unum Corpus & Capitulum, non spectent ad caput *Indemnitatus*: fundamento illi superscribo illud vulgatum:

Futiles ignaro cantetur fabula vulgo.

N. 114. *idem de Thorensi* Mixtum est Collegium Thorensis, & ita quidem ut Canonici illic cum Canonicabus constituant Capitulum. Liquet ex Myræo de *Canonic. cap. 64.* ibi: Thorensis Collegium Canonissarum, & Canonicorum. Nempe Collegium, non Collegia.

N. 115. *idem de Munsterbilsensi.* Mixtum est Collegium Munsterbilsense, & ita quidem ut Canonici cum Canonicabus efforment Capitulum, & eligant Abbatissam. Constat ex Decisione Rotali in Leodiensi Abbatissatûs, post Tamburin. 17. de qua. *vide numerum 63.* ibi: *Quod procedit etiam in Electione Abbatissa, qua facienda est à Mulieribus simul cum Masculis, ut tradit Joann. Andr. &c. & Geminianus &c. qui dicunt predictum textum, scilicet capitis Indemnitatus, etiam habere locum, quando Canonici Seculares simul adsunt cum Mulieribus.* Unde liquet in Electione Munsterbelisensi Canonicos cum Canonissis in Eligendo concurrisse. Et *vide numero 64.* quomodo Sacra Congregatio Concilii vocet Abbatissatum Belisensem, Abbatissatum *Ecclesia Collegiata utriusque Sexûs loci Munsterbilsensis.* Si autem sit Collegiata utriusque Sexûs, utique uterque Sexus illam Collegiatam constituit. Jam autem in causâ Munsterbilsensi, & Rota, & S. Congregatio, Collegium Munsterbilsense referunt ad caput *Indemnitatus.* *vide num. 62.* ibi: *Juxta Resolutionem aliâs per Illustrissimos Dominos Sacri Concilii interpretes in hac causa factam, quantum ad Electionem Elsia (in illo Monasterio Belisensi mixto Collegio peractam) Illa non potest sustineri, cum &c. constet illam non fuisse etatis legitima 30. annorum, qua ex dispositione d. C. Indemnitatus, non obstante quacunque consuetudine &c. est necessaria in Abbatissa.* Corruit itaque exceptio Adversariorum, dum ipsius fundamentum: quasi verò illa Collegia, quæ ex Canonicabus & Canonicis efformantur ad C. *Indemnitatus* non pertineant, S. Congregationis & Rotæ Rom. Decreto, ceu fulmine est concussum. Corruit inquam,

Ut collapsa ruunt subductis recta columnis.

N. 116. *idem de omnibus omnino Collegiis mixtis.* Denique omnia Collegia Canonissarum mixta, constituuntur ex Canonicabus, & Canonicis ut ad oculum demonstratum num. 109. sed omnia mixta comprehenduntur dispositione C. *Indemnitatus*, ut totâ Demonstratione stâ evictum est. Ergo Collegia, quæ constituuntur & efformantur ex Canonicis, & Canonicabus, comprehenduntur dispositione capitis *Indemnitatus.* Et hoc consequens expressissimè docent bine Famossimæ totius Germaniæ Universitates per utramque Facultatem suam Juridicam, & Canonicam, quarum responsa ad calcem hujus operis, plenè refero. Ubi.

Ubi vides, quòd Universitas Colonienſis & Trevitenſis ad Quæſtionem primam: *An Canoniffarum Secularium ſingulariter extra communitatem habitantium* & NB. CUM CANONICIS SECULARIBUS CAPITULUM CONSTITUENTIUM ABBATISSA debeat eſſe trīginta Annorum juxta C. Indemnitatibus 43. §. Supradicta. de Election. in 6. ?

Nu. 117.
Quod ex-
preſe do-
cent dua
iſtiffima
Univerſi-
tates.

Reſpond. Affirmativè.

Ad 2dam : *An id ita moraliter CERTUM & EVIDENS SIT, ut nemo RECTE contrarium docere, conſulere vel judicare poſſit ?*

Reſpond. Affirmativè.

Quid autem figmenta Patronorum malæ cauſæ ad tam celebrium Univerſitatum Oracula, de rebus in Germaniâ nouiſſimis lata : quæ extenſa vide ad calcem hujus Lucubrationis.

Et hoc Conſequens expreſſiſimè docet Belga doctiſſimus Zypæus *Libr. 3. Nu. 118. Et Zypæus.* *Conſult. Canoniar. de Regular. Conſult. 7. de Canoniff. Secular.* dum Num. 1. ſcribit : *Collega etiam utriuſque ſexûs Præbendas poſſident, & Num. 2. addit : Abbatiffa, quæ Collegii caput eſt &c. ſolenni modo ex Juris diſpoſitione, ſicut alia veri Nominis Abbatiffæ eligi debet. ſ. cap. Indemnitatibus §. penult. de Election. in 6.* nam Collegæ utriuſque ſexûs dici nequeunt, niſi uterque ſexuſ Collegium unum conſtituat. Nec Abbatiffa talium Collegiarum utriuſque ſexûs Caput appellari poſſet, niſi Collegæ utriuſque ſexûs eſſent *Membra*, unumque corpus conſtituerent. Ergo Authore doctiſſimo hoc Belgâ Collegia mixta, in quibus Canonici & Canonice unum corpus, unum collegium efformant, ſpectant ad caput *Indemnitatibus*. Apagite ergo cum veſtrâ fingendi libidine Advocati Romani, & fateamini tot argumentis conſtricti, tot Authoritatibus preſſi, quòd ad omnia mixta Collegia ſe caput *Indemnitatibus* porrigat.

Et hoc Conſequens apertiffimè docet clariffimus Muſſipontanæ Univerſitatis in Lotharingiâ quondam Profeſſor Georgiuſ Tholoſanus ſuprà Num. 57. ibi: *de Canoniciſ utriuſque ſexûs Secularibus &c. Cap. Indemnitatibus de Elect. in 6.* ſubintellige, *agitur*. Si autem Caput *Indemnitatibus* agat de Canoniciſ utriuſque ſexûs, utrumque ſexum ſimul & collegialiter ſumptum ad Cap. *Indemnitatibus* referre oportebit. *Sola enim Canoniffæ non ſunt Canonici utriuſque ſexûs.* Quid clariùs ? an necdum pudet figmenti ſui Advocatos Romanos!

Nu. 119.
Et Geor-
giuſ Tho-
loſanuſ.

Nu. 120.
Et Pyrrhus
Corradus,

Et hoc Consequens apertissimè docet Practicæ Romanæ Dux Pyrrhus Corradus supra Num. 54. nam cum dixisset: ET IN PLURIBUS LOCIS ALEMANNIÆ, UBI SUNT CANONICI & CANONISSÆ (nempe in omnibus Collegiis mixtis) FACIENTES UNUM CAPITULUM, subjungit: voluisse DD, Abbreviatores in literis ad earum Abbatissas dirigendis, quod deberet poni clausula: per hoc non intendit Papa approbare statum illarum per text. C. Indemnitatibus. Ergo Corradus & Abbreviatores Romani non dubitarunt Canonicos & Canonissas, facientes unum Capitulum, spectare ad caput Indemnitatibus. Sed quantum

Nu. 121.
Et impli-
citè saltem
omnes om-
nino Au-
thores.

Sententia hæc Prætoris Romanæ Ducis Pyrrhi Corradi & DD, Abbreviatorum distat à Fabellâ Romanorum Advocatorum? quæ (cum omnes Authores à sanâ Philosophiâ instructi judicent omnia mixta Collegia, ex Mixti partibus, scilicet ex Canonicis & Canonicabus constare) omnibus Doctoribus & sanæ Philosophiæ è diametro repugnat.

Hanc igitur ex Mixto heri eliquatam, eatenus inauditam, antiquis Rotæ Decisionibus, Sacræ Congregationis Oraculis, binarum famosissimarum Universitatum Responis, universalique omnium AA. Sententiæ omnino contrariam fabelam, quoties in posterum cantari contigerit,

Ridete quidquid cachinnorum domi est. (a)

Interim tamen hujusmodi ineptiis Advocati Romani (quâ conscientiam ipsi viderint) clarissimam Veritatem obnubilare, Judicibus Romanis fucum facere, & de victâ Veritate triumphare quærunt.

O curas hominum! ô quantum est in rebus inane! (b)

Nu. 122.
Rota in-
eptiis Ad-
versario-
rum cir-
cumventa,

Interim tamen hujusmodi ineptiis id effecerunt Advocati Romani, ut Justitia in duodecimum protelata sit annuum: imò ut Rota à rectè aliâ, & in hac ipsa causâ Decisis recesserit, & Freckenhorstensem Electionem, ætate legitimâ defectam, in summum Provisæ Apostolicæ præjudicium suo calculo approbârit.

Rectè cepit judicare Rota in duabus primis Decisionibus; sed vani Adversariorum obices eam à viâ rectâ detorserunt, idque Adversariorum Offucius factum; sed quidquid id est, macte animo Provisæ Apostolica:

Habet & Fortuna regressum. (c)

Et tandem bona causa triumphat. (d)

§. SE-

(a) *Plautus.* (b) *Perfius Satyr. i. vers. 1.* (c) *Horat. de Art. Poëtica v. 3.* (d) *Ovid.* (e) *Lucanus.*